

Bilingüisme en Òut e Garona

Dins l'encastre de la Quinzenada Occitana organizada per las associacions occitanistas d'Òut e Garona amb lo Conselh general, se debanan d'animacions dempuèi lo 26 d'abril dins lo departament.

Lo Conselh general a decidit de far un Lpauc mai en favor de la lenga e de la cultura occitanas e vòl amb aquela quinzenada crear un moment mai fòrt d'interès per la lenga e la cultura nòstras.

S'interroga tanben sul biais de far mai presenta la lenga dins lo paísatge de cada jorn e dissabte passat 30 d'abril a Monbahuus lo president del Conselh general Pierre Camani aviá convidat un quarantencat d'eleigits per parlar de senhaletica bilingüa. Avia caustit lo vilatge de Monbahuus pr'amor ven d'acabar de metre sas placas de carrièras en bilingüe. Es lo primier vilatge del departament que, o fa e aquò balharà benlèu d'idèas a d'autres.


Èran venguts qualques conselhièrs generals e tanben de conses del parçan. Lo conselhièr general encargat de l'occitan per Òut e Garona Marcel Cal-

mette èra present amb David Grosclaude encargat de l'occitan per la Region Aquitània.

Foguèt evocada la question de la senhaletica bilingüa coma un element qu'es de bon metre en plaça e que suffís per aquò far de prendre la decision politica. Èra pas sens interès de dire a delegits que la causa es legala e que i a pas de problema d'aquel costat.

Lo president del Conselh general foguèt el tanben encorajiat a soscar a la senhaletica sus las rotas departamentals que se pòt metre en plaça progressivament.

En tot cas aquela operacion es una operacion de sensibilizacion dels elegits del departament en favor de l'occitan e que se siá fàitia en preséncia e sus convidacion del president del Conselh general es pas sens significacion. •



De man esquèrra a man dreita, Marcel Calmette elegit departamental encargat de l'occitan, acompanhat del president del Conselh general e del conse de Monbahuus. (LS)